

卷四十八

書名 藝文類聚一百卷
嘉靖中天水胡繼宗刊本
撰者 唐 歐陽詢 撰
卷 卷四十八
內容分類 子 類書 彙考 唐五代
索書號 子部 類書 2
編號 C5912500

藝文類聚卷第一

唐太子率更令弘文館學士歐陽詢撰

大部上天日月星雲風

天

周易曰：大哉乾元，萬物資始，乃統天。雲行雨施，品物流形。大明終始，六位

時成。時六龍以御天。乾道變化，各正性命。又曰：立天之道，曰陰與陽

又曰：天行健，尚書曰：乃命羲和，欽若昊天。又曰：皇天震怒，命我文考

肅將天。禮記曰：天地之道，博也厚也，高也明也，悠也久也。日月星辰

繫焉。論語曰：天何言哉？四時行焉，百物生焉。老子曰：天得

一以清。春秋繁露曰：天有十端，天地陰陽水土金木火人，凡十端。天亦

喜怒。樂之心，與人相副，以類合之。天人一也。爾雅曰：穹蒼蒼天

也。春為昊天，秋為旻天，冬為上天。春秋元命苞曰：天不足西

故天周九八十一萬里。渾天儀曰：天如雞子，天大地小

地各乘氣而立，載水而浮。天轉如車轂之運。黃帝素問曰：

彩色首頁1

東洋文化研究所漢籍目錄 編號: C5912500
東洋文化研究所漢籍目錄所藏漢籍善本文影像資料庫 索書號: 子部 類書 2
漢籍善本文影像資料庫文本藝文類聚一百卷 嘉靖中天水胡繼宗刊本
版權所有: 東京大學 東洋文化研究所
使用上的注意事項



藝文類聚卷第四十八

職官部四

錄尚書

尚書令

僕射

吏部尚書

尚書

尚書郎

侍中

黃門侍郎

散騎常侍

給事中

中書令

中書侍郎

驃騎將軍

錄尚書

應劭漢官儀曰章帝詔曰司空牟融典職六年勤勞不怠其以融爲太尉
錄尚書 又曰和帝策書曰故太尉鄧彪元公之族三讓彌高海內歸仁
爲羣賢首其以彪爲太尉錄尚書事百官總已以聽 又曰殤帝策書曰
司徒徐防以臺閣密施政牧守其以防爲太尉錄尚書事百官總已以
聽 又曰冲帝策書曰太尉趙峻二世常典機衡有匪石不貳其心大司
農李固公族之苗貞不回今以峻爲太傅固太尉參錄尚書事 又曰
靈帝策書曰故太尉陳蕃忠亮謇諤有不吐茹之節司徒胡廣敦德允元
五世從政今以蕃爲太傅與廣參錄尚書事 王隱晉書曰賈充爲太尉
錄尚書五年伐吳爲大都督吳平上遣侍中程咸稿勞增邑八千戶 晉

中興書曰明帝后庾氏為皇太后九月癸卯皇太后臨朝制司徒王導錄
尚書事 沈約宋書曰高祖永初三年尚書令揚州刺史徐羨之為司空
錄尚書事 又曰孝武帝即位以大將軍江夏王義恭為太尉錄尚書事
又曰諸公錄尚書事古制也王肅解尚書納于大麓曰堯納舜於尊顯之
官使大錄萬機之政案漢氏諸吏平尚書奏事後霍光以大司馬大將軍
平尚書事 傳暢故事曰何劭王戎張華裴楷楊濟和嶠為愍懷太傅通
省尚書事張華為光祿大夫尚書七條事皆諮而後行惠帝之世太保衛
瓘太宰河間王顥太傅東海王越皆錄三省尚書秘書事 齊謝朓為
明帝拜錄尚書表曰升降玉階對揚休命六轡在手千里何借司會天官
之統尚書百僚之本弘之即庶績惟凝贊之則彝倫斯敷脩身踐言本慙
吾美果行育德未咄大正妄屬負圖之寄多謝五仁之績操檜楫於龍津
荷梓梁於雲枿無以輔位明堂遺象麟閣 陳徐陵安成王謨錄尚書
表後啓曰臣聞間平就國乃盛漢之常儀邨霍無官實宗周之明典何則
皇季之重非待歷世王爵之隆自高羣辟况臣戢翼要荒亟離寒暑進慙

趙勝能定楚從退匪齊文馳免秦厄固以內切皇心外貽家恥甘輸重餽
降禮單于迺城十五如諸和璧市鄉三十聊同寶劒武夫力而獲諸原微
臣還而反諸敵瞻言馬駿著隴右之功追念曹彰克烏丸之虜前王子第
若此勲庸偏其反而豈可勝愧

尚書令

漢書曰張安世字子孺少以父任為郎因善書令給事尚書精力於職休
沐未嘗出行幸河東亡書三篋詔問莫能知唯安世識之具作其事後贈
求得書以相校無所遺失上奇其才擢尚書令 漢雜事曰尚書黃香為
東郡太守乞留宿衛拜為尚書令秩二千石 漢官儀職曰尚書令主贊
奏摠典綱紀無所統秩二千石 東觀漢記曰侯霸為尚書令深見任用
樊准為尚書令明習漢家舊事周密畏慎申屠剛為尚書令蹇蹇多直言
無所屈撓 又曰永平七年宋均徵為尚書令忠正直言數納策謀每駁
議未嘗不合上意 張璠漢書曰左雄為尚書令限年四十先試經然後
舉孝廉 續漢書曰陳蕃出為豫章太守性方峻不接賓客徵為尚書令

送者不出郭門 百官表曰尚書令是謂文章天府銅印墨綬五時朝服
納言幘進賢兩梁冠佩水蒼玉摠攝諸曹出納王命敷奏萬機書曰龍命
汝納言夙夜出納朕命惟允詩云惟仲山甫王之喉舌蓋此謂也 魏志
曰明帝卽位進陳矯爲尚書令車駕常幸至尚書門矯跪問帝曰陛下何
之帝曰欲案行文書且矯曰此自臣職分非陛下所宜臨也若臣不稱其
職則請就黜退陛下官還帝慙迴車而返 又曰太祖進荀彧爲漢侍中
守尚書令 又曰裴斐爲尚書令奏正分職簡名實出事使斷官府者百
五十餘條 費禕別傳曰禕代蔣琬爲尚書令以朝脯聽事其間接納賓
客加之博奕不廢後里允代之旬日之間事多僭積允曰人之才力相
懸若此 曹羲九品議曰尚書尊官也親作納言易曰樞機之發榮辱之
之王漢和帝南陽左旋爲尚書令天下皆慎選舉選舉所知自其職也
山濤啓事曰尚書令本下胤遷處缺宜得其人征南將軍羊祜贈義王三司
以肅整朝廷 王隱曰書曰樂廣爲尚書令所在無當時之功譽然爲後
人所思 又曰咸寧二年李胤爲尚書令雖歷職內外而在公退食家室

至貧儉兒病無以市藥上賜錢十萬 齊職儀曰秦漢之世委政公卿尚
書之職掌於封奏令贊文書僕射主開閉令不在則僕射奏下其事魏氏
重內職八座尚書任同六卿舜舉八元八凱以隆唐朝令號八座爲元凱
謂以賢能用事義如昔也 晉摯虞尚書令箴曰舜納大麓七政以齊
內成外平風雨不迷補我袞闕闡我王繇王繇允塞四海成休雖聖雖明
必賴良才無曰我智官不能任發言如絲其出成綸千里之應樞機在身
後漢潘勗尚書令荀彧碑曰夫其爲德也則主忠履信孝友溫惠高
亮以固其中柔嘉以宣其外廉慎以爲己任仁恕以察人物踐行則無轍
跡出言則無辭費納規無鄙辱之心機情有密靜之性若乃奉身蹈道勤
禮貴德動咨事間匪云予克然後教以黃中之教守以貞固之直注焉若
洪河之源不可竭也確焉若華嶽之停不可拔也 故能言之斯立行之斯
成身匪隆污直哉惟情系綱用亂廢禮復經於是百揆時序王猷允塞告
厥成功用俟萬歲 後魏溫子升臨淮王或謝封開府尚書令表曰臣
道愧山東氣慙隴右激水弗堪搏風無力但以平原帶地資緒極天發趾

自高理融以遠出臨侯服既乏刺舉之能入踐帝閣又無應對之美空復受戈清廟推轂朱門効闕淚河功慙汗海大寶遂隆橫草未樹願以有涯願言知止 又爲魏南陽王允寶拒讓尚書令表曰臣聞立而託乘乃成致遠之功坐以運舟遂有利涉之用若以輕任重課憑虛責實雖欲自勤終焉靡効 梁范雲爲柳司空讓尚書令初表曰陛下繼明南面復垂顯錄增榮益觀豈側身限而露不廣海塵不增山微物知止敢忘自退誠以懷音感遇久妨彝序尸祿昧寵取蹈風歌中寐軫心方食疑慮寧可冒釐綜之重負學製之談將玷朝微匪伊身議 第二表曰臣聞聖人在上愚智無以息隱天下有道方圓歸其能是如以駑蹇之才不致問於千里瓦礫之質佇待價於十城伏願陛下矜臣羣乘之尤照臣匪飾之情迹言觀用允授上才敏會流恩曲蠲下第則雲序斯平靈輦載穆 梁沈約拜尚書令到都上表曰竊位之譏允當斯責王命私請有事相傾油雲湛露從降曼曼之德弱縊輕蟬不載丘嶽之重登階望席悅焉失步 北齊邢子才爲文襄皇帝讓尚書令表曰揚職萬機摠任百揆想銜庶物準納羣寮

何以助日月之光華增天地之高厚反鑒取照匹此何難倒裳求領方之爲易 又表曰正以畫覽太山不假秋毫之察夜仰列宿豈藉燭龍之明辭人以世既非盛德之舉公門有私故足陵夷之運 隋江總讓尚書令表曰臣弱歲立朝本無奇志每謂任登常伯足承基緒值梁季不造牧拙人間東竄三江南徂百越不知秦漢十有七年心跡退黜平生畢矣但野性疎懶不屑死增俯仰乖時人物多忤天飛踐昨任寄隆重謬以商丘之水遂比舟楫之材燕岱之石混同瑚璉之器當由崇賢傳舉早守名節竊以天府文昌萬方之數天官冢宰無所不統禮革三獨事昭百揆曠職二义三十餘載一旦開置必資望實豈期廷典私偏濫庸菲薄陛下聽覽餘辰曲垂昭納遂斯反汗高選具瞻則敝蓋微惟使臣暮齒歲制月制賒臣皓髮 隋江總除尚書令謝臺啓曰竊以昔之冢司今日端揆頃同台衮無人則闕臣之朽薄安可叨責謹當奏承夜月異奉三思之旨聲寄浮雲方祈九天之路 又除尚書令斷表後啓曰司會治本冢宰朝端摺紳所屬儀刑攸在皇代以來無人則闕陛下將備厥職用穆巨僚不容始自庸

梁沈約讓僕射表曰臣聞役壯休老上典所優晨行暮息事身恒分
若夫玄黃未已非狄駕之衛筋力爲用豈強飯之時養老杖鄉抑推前與
服戎告謝親學匪任宿肉極其虛憊歲制防其不辜寔所以蠲假衰疾收
屏淪暮 梁張纘讓尚書僕射表曰加以矯心飾貌酷非所聞不喜俗人
與之共事雖復吐言如傷屈體無骨動容竊芥猶成多憾曾聞如闕坐客
須滿情態參差世塗盈虛意茲興謗舍塵見猜疑似雖分聖賢致惑人之
包藏山川非險況在於臣焉可證綜 陳徐陵讓左僕射初表曰臣聞
十之歲楊雄擬經六十之年平津對策若斯彊壯無歎耆老臣勵則曹華
軒冕才允卿相出納流譽朝野具瞻臣弘正國老儒宗情尚虛簡玄風勝
業獨王當年臣種氣懷沈密文史優裕東南貴秀朝廷親賢並見壯猷皆
宜左執若漢武好少則微臣已老若周文愛老則有此羣才伏願天明更
謀梓匠求其妙選稱是能官 又讓右僕射初表曰加以言尋盟好仍屬
亂罹干零盜其牛馬烏孫竊其印綬子卿如雪叔向爲國雖獲東歸備離
此厄昔李廣遺恨不值漢初甯戚自歸悲逢堯換臣隨望聖運實在權輿

時參決勝之籌頗奏發兵之識當塗錫舍非無蕭昭之誠典午禪文不降
張華之賞 隋江總讓尚書僕射表曰藻鏡官方品裁人物門驚如市不
慙屋漏心抱如冰無欺暗室但屢淹星鳥每知忝素世網拘束事歸僂俛
今此召會尤增據蒺藜以端揆副職官稱師長華履升降傳呼寵赫儀形
朝首冠冕彝倫兼復戶摠衡流匡佐繫俗忘膺重責必踐危機

吏部尚書

魏志曰盧毓爲侍中在職三年多所駁易詔曰官人秩才聖帝所難必須
良佐進可替否侍中毓稟性貞固心平體正可謂明試有功不懈于位者
也其以毓爲吏部尚書使毓自選代曰得如卿者乃可毓舉常侍鄭冲帝
曰文和吾自知之更舉吾所未知者乃舉阮武孫邕帝於是用邕 袁子
曰魏家置吏部尚書專選天下百官夫用人人君之所司不可以假人者
也使治亂制在一人之手權重而人才難得居此職稱此才者未有一也
王隱晉書曰山濤爲太常遭母喪手植松柏詔曰今風俗凌遲豈宜鎮以
退讓山太常雖在諒陰古人亦墨經從戎其以濤爲吏部尚書濤用人皆

